

## REGLUGERÐ

**um breytingu á reglugerð nr. 657/2009, um gerð og búnað  
grunnskólahúsnaðis og skólalóða.**

1. gr.

3. málslíður 1. mgr. 2. gr. reglugerðarinnar orðist svo: Við hönnun, byggingu og endurnýjun skólahúsnaðis skulu sveitarfélög ennfremur hafa samráð við hagsmunaaðila skolasamfélagsins og aðila í grenndarsamfélagi, svo sem foreldra, nemenda, fulltrúa íþrótt-, æskulýðs- og tómstundafélaga, ungmannaráða og aðila úr atvinnulífinu.

2. gr.

Á eftir orðunum „hljóðvist og lýsing“ í 4. málslíð 3. gr. bætist: loftgæði og loftræstingu,

3. gr.

Við 1. mgr. 7. gr. bætist við nýr málslíður, 2. málsl., sem orðist svo: Sérstaklega skal hugað að öryggiskröfum í verkenntastofum um vélar, tæknilegan búnað, efnisnotkun, loftgæði og loftræstingu og aðgengi að fyrstu hjálp.

4. gr.

8. gr. reglugerðarinnar orðist svo:

*Handbók um öryggi nemenda og slysavarnir í skólum.*

Ráðuneytið, í samráði við Samband íslenskra sveitarfélaga, skal útbúa rafræna handbók fyrir starfsfólk grunnskóla með leiðbeinandi reglum um öryggi og velferð nemenda og slysavarnir í grunnskólum. Skal handbókin endurskoðuð reglulega.

Handbókin skal grundvölluð á gildandi lögum og reglugerðum um starfsemi grunnskóla, lögum og reglugerðum um öryggis-, skipulags- og byggingarmál og samræmdum starfsleyfisskilyrðum fyrir grunnskóla, sbr. lög um hollustuhætti og mengunarvarnir, með síðari breytingum. Einnig skal höfð hliðsjón af reglugerð um vélar og tæknilegan búnað og vinnuumhverfisvísum Vinnueftirlitsríkisins, eftir því sem við á.

Handbókin skal vera aðgengileg opinberlega og ber skólastjóri ábyrgð á að hún sé sérstaklega kynnt öllu starfsfólk skóla og öðrum aðilum í skolasamfélaginu.

5. gr.

Reglugerð þessi er sett samkvæmt heimild í 20. gr. laga nr. 91/2008 um grunnskóla og öðlast þegar gildi.

*Mennta- og menningarmálaráðuneytinu, 27. maí 2014.*

**Illugi Gunnarsson.**

---

*Ásta Magnúsdóttir.*